

INUIT ATAQATIGIIT

INATSISARTUNI



Aasiaat 18. maj 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga.

Apeqqutit:

- 1. Imartatta uuttortarneqarnera pillugu isumaqatigiissut unittooqqasoq Naalakkersuisut qanoq iliuseqarfiginiarpaat?**
- 2. Imartatta uuttortarneqarnerata kinguaattoornera nunatta imartaani angallannermut, aalisarnermut takornariaqarnermullu qanoq Naalakkersuisut kinguneqassangatippaat ?**
- 3. Qallunaat Naalakkersuisui isumaqatigiissutip eqquutsinneqanngitsuulerneru pillugu attavigineqareerpat?**
- 4. Immap uuttortarneqarnerani suliaq sumut killippa?**
(Inatsisartuni ilaasorta q Ane Hansen, Inuit Ataqatigiit)

Tunngavilersuut:

2009-mi Naalakkersuisut Qallunaallu Naalakkersuisui isumaqatigiissuteqarput 2018-mi imartarput nalunaarsorneqareerluni suliamik tunniussisoqassasoq, piffissap imaalinerani paasinarsivoq isumaqatigiissut eqquutsinniarnera ajornartorsiutaalersinnaasoq, Qallunaat Nunaanni suliffinnik nutserinermik pissuteqartumik sulisunik ajornartorsiortoqalersimammat.

Nunatsinni imaatigut angalanermi ajunaartartut suli amerlaqimmata imaatigut angalanissamut isumannaallisaaneq nukingiullugu qangali suliassaalernikuuvoq, minnerunngitsumik imartatta uuttortarneqarnera eqqarsaatigalugu. Ukiunilu kingullerni umiarsuit takornariartaatit amerliartortillugit nunattalu avannaarpiarsuani immap naqqata suli uuttortarneqarsimanngitsup angallavigineqaleraluttuinnarnerani isumannaattumik immap uuttortarneqarsimanissa pisariaqarluinnarpoq.

Taamaattumik paasisagut kingulliit pillugit Qallunaat Naalakkersuisuisa piaartumik saaffigineqarnissaat pisariaqarpoq isumaqatigiissutip minnerpaamik eqquutsinneqarnissaa siunertaralugu.

Apeqqutit ullut qulit suliffiusut iluanni akineqarnissaat kissaatigaara.